



Ayuntamiento
de Vitoria-Gasteiz
Vitoria-Gasteizko
Udala

www.vitoria-gasteiz.org

DIRULAGUNTZEN LERROA HERRITARREN PARTAIDETZA AUZO ELKARTEAK

2024AN AUZOETAN DINAMIZAZIO ETA PARTAIDETZA
SOZIALEAN LAGUNTZEN DUTEN PROIEKTUETARAKO
AUZO-ELKARTEENTZAKO LAGUNTZEN DEIALDIA ARAT-
ZEKO BERARIAZKO OINARRIAK.

Gobernu Irekia eta Gizarte Etxeen saila
Herritarren Partaidetzaren Zerbitzua

2024AN AUZOETAN DINAMIZAZIO ETA PARTAIDETZA SOZIALEAN LAGUNTZEN DUTEN PROIEKTUETARAKO AUZO-ELKARTEENTZAKO LAGUNTZEN DEIALDIA ARAUTZEKO, BERARIAZKO OINARRIAK

Herritarren Partaidetzaren Zerbitzua

Tokiko Gobernu Batzarrak 2023ko XXXXXean onetsi zituen 2024an auzoetan dinamizazio eta partaidetza sozialean laguntzen duten proiektuetarako auzo-elkarteentzako, laguntzen deialdia arautzeko oinarriak.

Udalaren webgunean kontsulta daitezke oinarri horiek (vitoria-gasteiz.org/dirulaguntzak), baita herritarrei laguntzeko bulegoetan ere. Deialdi honetan parte hartu nahi duten erakundeek hara joan beharko dute eskabidea aurkezteko.

1 DIRULAGUNTZEN ILDOA

Auzoetan partaidetzaren kultura sustatzeko eta auzokoen bizi kalitatea hobetzeko auzo-elkarteek eta elkarte horien federazioek bideratzen dituzten proiektuei laguntzeko dirulaguntza.

2 SARRERA

Herritarren Partaidetzaren Zerbitzuaren helburu espezifikoaren artean dago udalerriko herritarren entitate eta kolektiboaren lana babestu eta erraztea, talde horien helburua izanik herritarrak interes publikoko gaietan parte hartzearen balioen inguruan sentsibilizatzea, gizartea hobetzeko.

3 DEIALDIAREN XEDEA

Gasteizko udalerriko auzo-elkarteen eta auzo-elkarteen federazioen lana erraztu nahi du deialdi honek horretarako udal baliabideak horien eskura jartzen ditu, —lokalak erabiltzeko baimena— eta ekonomikoki laguntzen die kudeaketa-gastuei eta urtean zehar garatzen dituzten proiektuei aurre egiten.

Helburua da parte-hartzea dinamizatzea, gizarte kohesioa suspertzea, gizalegezko jokabideak sustatzea eta integrazioa erraztea. Azken batean, auzoko pertsonen bizi-kalitatea hobetzen laguntzea.

4 ENTITATE ONURADUNAK

Jarduera-eremu Gasteizko udalerria duten auzo-elkarteak eta auzo-elkarteen federazioak.

Baztertuta geratzen dira:

- Bazkideen interesak babestea edo jabe talde jakin baten zerbitzu komunak kudeatzea xede duten entitateak.

- Arrazoi sexual, etniko, erlijioso, politiko edo sindikalak tarteko edonori zuzenbide osoz parte hartzea galarazten dioten entitateak.
- Kontzejuko administrazio-batzarra duten udalerriko nekazaritza-eremuko herrietan eratu diren auzo-elkarteak, hark egoitza herrian duten auzotar guztiak hartzen baditu.

5 BALIABIDE EKONOMIKOAK

Deialdi honen barruan ematen diren dirulaguntzak Herritarren Partaidetzaren Zerbitzuaren 2024ko aurrekontuko 18 22 9242 4 8954 partidako aurrekontu-kredituaren kontura izango dira - aurreikusitako gehieneko zenbatekoa 240.000,00 eurokoa da-.

Aldez aurreko tramitazioa izango du deialdi honek, azaroaren 17ko 887/2006 Errege Dekretuaren bitartez onetsitako Dirulaguntzen Araudi Orokorraren 56. artikuluan xedatutakoaren ildotik, eta, horrenbestez, dirulaguntzak ematekotan, nahiko kreditu egoki izan beharko du deialdia ebazteko orduan.

6 DEIALDIAREN XEDEA

6.1. Jarduera programa.

6.1.1. Informazio, aholkularitza, komunikazio eta zabalkunde zerbitzuak: argitalpenak, buletinak, aldizkariak.

Jarduera horien artean informazio- eta zabalkunde-gastuak sartu ahal izango dira: kartelak, liburuxkak, itzulpenak, hedabideetako iragarkiak eta antzekoak. Oroitidazkian jaso beharko dira egingdako materialen kopiak, Dirulaguntzei buruzko Udal Ordenantzaren 19.3.b artikuluan xedatutakoaren ildotik.

Beti ere, material guztiek euskaraz eta gaztelaniaz egon beharko dute eta hizkuntzaren eta irudiaren erabilera ez-sexista egin beharko dute. Gainera argitalpen guztietan, berdintasunaren, aniztasunaren (adina, sexua/generoa, kultura eta jatorria) eta rol aniztasunaren balioak dituen hizkuntza eta irudia sustatuz. Dokumentazio guztiak Udalaren logotipoa izan beharko du.

6.1.2. Herritarren parte hartzea sustatzen duten jarduketak.

Herritarren parte hartzea, auzoko beste kolektibo batzuei laguntzea eta udaleko partaidetzaorganoetan eta -prozesuetan parte hartzea sustatzen duten jarduketak.

6.1.3. Gizarte-jarduerak.

Berariazko udal laguntzarik ez duten jai-, aisialdi-, kultura- eta kirol-ekitaldiak, zeinen helburua bizikidetzaren hobetzea, herritarren parte hartzea sustatzea eta/edo auzokoen arteko harremana, laguntza, lankidetzaren eta integrazioaren bultzatzea den.

6.2. Ekipoak eta lokalak kudeatzea eta onik zaintzea.

Ekipoak eta lokalak kudeatu eta onik zaintzeko gastu hauetarako jaso ahal izango da dirulaguntza:

- a. Bulegoko material suntsikorra erostea.

- b. Telefono-linearen eta ADSL konexioaren gastuak. Web-domeinuak erosi edo mantentzeari dagozkion fakturak ere onartuko dira.
- c. Elkarateak antolatzen dituen jardueretarako beharrezko gertatzen den babes- eta prebentzio-materiala erostea.
- d. Lokalak garbitzeko gastuak, produktuenak barne.
- e. Ekipoak onik zaintzeko materiala edo zerbitzuak.
- f. Lokalei dagozkien aseguru-polizak, eta elkaratearen edo federazioaren erantzukizun zibileko asegurua. Berariazko erantzukizun zibileko asegurua eskatzen duten jardueren kasuan —esaterako, jaiak antolatzea—, horren kostua jardueren atalean sartuko da.
- g. Posta-gastuak.
- h. Informatika ekipoa alokatzea.

6.3. Gastu hauek ez dira diruz lagunduko.

Ez da dirulaguntzarik emango suntsikorra ez den materiala erosteko hala nola, ordenagailuak, inprimagailuak, mota guztietako etxetresna elektrikoak, ikus-entzunezko gailuak, bulegoko altzariak eta abar.

Ez dira onartuko edari, janari edo oparien gastuak. Salbuespen modura eta behar bezala justifikatuta, onartu egingo dira gastu horiek, baldin eta diruz lagundutako jarduera batean sartuta badaude eta, betiere eta Herritarren Partaidetzarako Zerbitzuaren alde aurreko oniritziarekin.

Ez da dirulaguntzarik emango ikastaro eta lantegietan erabiltzen diren material edo produktuetarako, salbu eta behar bezala arrazoitutako kasuetan eta Herritarren Partaidetzaren Zerbitzuak alde aurretik oniritzia emanda (adibidez, kolektibo zaurgarriekin egindako jarduerak).

Azpikontratazioa arautzen duen legeriak ahalbidetzen eta jasotzen duenaren arabera, azpikontratazioa diruz lagundutako zenbateko osoaren % 50era mugatuko da, gehienez ere. Gainera, lege hori betez, kontuan hartu beharko da elkarateak eta bere kideek zeregin horiek azpikontratatzeko dizkioten pertsona, erakunde eta/edo enpresarekin duten lotura. 38/2003 Dirulaguntzei buruzko Lege Orokorra

7 UDAL ARETOAK ELKARTEAREN EGOITZA GISA ERABILTZEKO BAIMENA

Agiri honen amaieran adierazten diren lokalak ditu Gasteizko Udalak, auzo-elkarteei urtean zehar lagatzeko.

Gaur egun, auzoko auzo-elkarateek okupatzen dituzte lokal horiek, erabiltzeko baimena edo lagapena dela medio. Dirulaguntza-deialdi publiko honen bitartez, eta, nolana ere, oinarri hauetan biltzen diren baldintzak betetzen direlarik, elkarate horiek —modu jarraituan— beren jarduera garatzeko espazio bat behar dutela aitortzen du Gasteizko Udalak. Horregatik, auzoarentzat interes orokorrekoak diren programa eta jarduerak gara ditzaten, haien eskura jartzen ditu lokal horiek. Erabiltzeko baimen edo lagapena izango da eskura jartze hori legitimatzeko titulu juridikoa, eta epea, berriz, baldintzetan adierazten dena.

Erabilera doakoa izango da, eta ez da inolako bermerik jarri beharko; izan ere, horrelako entitateek ez dute ez etekinik ez onura ekonomikorik ateratzen horretatik. Modu eskusiboan edo beste auzo-elkarate batzuekin partekatuz erabili beharko dira lokalak, premiaren edo elkaratearen jardueraren beste aldagai batzuen arabera —elkaratearen proiektuan aurkezten den dokumentazioan frogatu beharko dira horiek—.

Nolana ere, Administrazio Publikoen Ondarearen azaroaren 3ko 33/2003 Legean xedatutakoak arautuko du lokal horiek erabiltzeko baimen edo lagapena.

Zentzu horretan, hau adierazten da:

7.1. Lokalak elkartearen egoitza gisa erabiltzeko baimena emateko irizpideak.

Lokalak egoitza gisa erabiltzeko eskabideak baloratzeko irizpideak dirulaguntza emateko oinarri hauetan deskribatzen direnak izango dira, eta adierazitakoaren arabera barematuko dira. Lokala eskuratzekotan, gutxienez 30 puntu lortzea eskatuko da. Kokapen geografikoaren arabera esleitu-ko dira lokalak, jarduera-eremu edo -auzoaren hurbiltasuna kontuan hartuta.

7.2. Erabiltzeko baimen edo lagapenaren iraupena.

Baimenak urtebeteko iraupena izango du, deialdi hau ebazten den egunaren biharamunetik, Administrazio Publikoen Ondarearen azaroaren 3ko 33/2003 Legearen 92.4 artikuluan araututako berritze-kasuak gorabehera.

7.3. Lokalak erabiltzeko baldintzak.

- a. Udalari dagokio lokala onik zaintzea, eta hobekuntza edo aldaketak egitea. Halakorik behar izanez gero, eskabide arrazoitua egin beharko da, eta aurreikusitako diru-kopurua adierazi. Udalak, Herritarren Partaidetzaren Zerbitzuak hala proposaturik, bideragarritasuna aztertu-ko du, eta garaiz eta idatziz erantzungo horiek gauzatzerik dagoen, baita ekimenak zer on-
dorio ekonomiko izango duen ere. Edonola ere, ez da baimenduko eraikinean edo bertako edozein gelatan obrarik egitea, ez bada Udalak berariazko baimen idatzia emanda.
- b. Erabilera-baimena edo lagapena zergetatik —OHZ, zaborrak— salbuetsita egongo da, eta argindar- nahiz gas-kontsumoa Udalaren kontura izango da, baita ur-kontsumoa ere.
- c. Elkarrekin jakitun dira eta onartu egin beharko dute Gasteizko Udalak eskubidea duela la-
gapena bere kabuz baliogabetzeko, interes publikoa dela kausa, Administrazio Publikoen Ondarearen 33/2003 Legearen 92.4 artikuluan araututako kasuetan, eta ez duela horrega-
tik ordainsaririk eman beharrik.
- d. Erabiltzen den lokala ikuskatzeko eskubidea izango du Gasteizko Udalak, baimenean ze-
haztutakoaren arabera erabiltzen dela bermatzeko.
- e. Doan erabiliko da lokala, eta ez da bermerik aurkeztu beharrik izango.
- f. Baimena edo lagapena iraungi egingo da lokala elkartearen berariazko jardueretarako era-
biltzen ez bada edo hiru hilabetetik gorako epean erabiltzen ez bada, baita Administrazio Publikoen Ondarearen azaroaren 3ko 33/2003 Legearen 100. artikuluan jasotako gainera-
ko arrazoiengatik ere.
- g. Formalizatzen diren hitzarmenetan aurrekoen osagarri ezartzen diren gainerako baldintzak.

7.4. Elkartearen betebeharrak.

Lokalen erabileraren esleipendun diren auzo-elkarrekin konpromiso hauek hartzen dituzte:

- a. Lokalaren erabilera partekatzea, auzoan auzo-elkarte bat baino gehiago badago. Espazioa-
ren erabileran koordinatzeko konpromisoa hartu beharko dute elkarrekin. Lokalaren erabile-
ra partekatuan tirabirarik sortzen bada, eta edozein elkarrekin hala jakinarazten, Udalak era-
bakiko du zein izango den elkarrekin arteko espazioen edo denboren banaketa. Erabiltzeko
baimenak izaera indibiduala du auzoan auzo-elkarte bakarra dagoen kasuetan.
- b. Lokala erabiltzeko nahiz bertan jarduerak egiteko behar diren lizentzia eta baimen oro es-
kuratzeko konpromisoa hartuko dute elkarrekin. Sor litezkeen tasak elkarrekin kontura izan-
go dira.
- c. Elkarrekin lokala erabiltzen utzi beharko diete beste kolektibo batzuei, baldin eta kolektibo
horiek —elkarrekin berek bezalaxe— bizikidetzaren eta gizarte-sustapenaren alde badihar-
dute zonan edo auzoan, eta baimenean finkatutako baldintzak betetzen badiuzte, inongo
kosturik gabe utzi ere.
- d. Elkarrekin beren gain hartu beharko dute lokala okupatzearen ondoriozko erantzukizuna,
eta beren jarduerak hirugarrenei eragin liezazkiekeen kalteen aurrean erantzun. Lokala

erabiltzeko baimena eman edo hura lagatzera mugatzen da Udala, eta ez du bere gain hartuko egite edo ez-egitearen ondorioz lokalean gerta litekeen kalte material edo pertsonalen gaineko erantzukizunik, ez zuzenean ez modu subsidiarioan, elkarteari baitagokio erantzukizun zibileko aseguruak kontratatzea, eta baimen edo lagapenak iraun bitartean indarrean edukitzea. Gasteizko Udalak aseguratu gehigarriaren izaera izango du, horregatik hirugarrenaren izaera galdu gabe.

- e. Kontratututako aseguruaren eta aldiaren aldiko eguneratzeen kopiak helaraziko dizkio elkarrekin Udalarari.

7.5. Lokala erabiltzeko baimena bertan behera geratzeko arrazoi izango dira.

- a. Lokalak elkarrekin berriazko zereginetarako ez erabiltzea.
- b. Elkarrekin desegitea.
- c. Elkarrekin aretoa erabiltzeko baldintzak eta erabilera- eta elkarbizitza-arauak ez betetzea.
- d. Lokala ohiko moduan eta jarraitutasunez ez erabiltzea. Hortaz, eta bereziki lokalak elkarrekin egoitza gisa erabiltzeko ematen diren baimenen kasuan, beharrezko diren egiaztapenak egin ahal izango ditu Gasteizko Udalak, Herritarren Partaidetzaren Zerbitzuaren bitartez, lokala irekitzeko ordutegia —aurkeztutako dokumentazioan adierazitakoa— kontutan hartuta. Zenbait aldiz saiatu eta baimendutako lokala esandako ordutegian ez dagoela jendearentzat irekita ikusiz gero, eta Herritarren Partaidetzaren Zerbitzua horren jakinaren gainean jarri ez bada, erabiltzeko baimena bertan behera utzi ahal izango da. Arauzko bi-deetatik jakinaraziko da hori.
- e. Lokalaren premia justifikatzen duten arrazoiak desagertzea —Herritarren Partaidetzaren Zerbitzuak elkarrekin hitzartutako proiektuaren jarraipena eta ebaluazioa oinarritzat hartuta—.
- f. Administrazio-zigorra edo zigor penala ezarri izana, eraso edo diskriminazio matxistengatik edo dibertsitate funtzionalaren, jatorriaren nahiz giza eskubideen beste edozein alderdiren kontrako jokabideengatik.
- g. Terrorismoaren Biktimei Aitorpena eta Erreparazioa egiteko ekainaren 19ko 4/2008 Legearen ezarritakoa ez betetzea; bereziki, 4.b) artikuluari dagokionez.
- h. Borondatez uko egitea.
- i. Interes publikoa dela eta aldeetako batek baliogabetzea, Administrazio Publikoen Ondarearen 33/2003 Legearen 92.4 artikuluan araututakoaren ildotik.
- j. Administrazio Publikoen Ondarearen azaroaren 3ko 33/2003 Legearen 100. artikuluan jasotako kausak, deialdi honi eragiten dioten neurrian.

7.6. Gizarte-etxeetan espazioak baimentzea.

Auzo-elkarrekin ez badute egoitza sozial gisa erabil lezaketen udal lokalik, edo daukatenek ezin baditu diruz lagundutako proiektuan proposatzen diren jarduerak hartu, beren eragin-eremuko gizarte-etxeetan erabilgarri dauden espazioak erabili ahal izango dituzte.

Gizarte-etxeetan erabilgarri dauden espazioak erabiltzeko dagokion tasa doan izango da, 7.11.5. ordenantza fiskalean xedatutakoaren ildotik. Doakotasunak ez du barne hartzen jarduera garatzeko beharrezkoa den laguntza teknikoa, zeina, izatekotan, zerbitzu horiek ematen dituzten kanpoko enprekin kontratatu beharko baita, eta entitate eskatzaileak ordaindu beharko baitu.

Bai gizarte-etxeetako espazioak erabili ahal izatekotan, bai horien erabilerari dagokion tasa doakoa izatekotan, betebeharrak bete beharko dira:

- a. Deialdi honetan aurkeztutako proiektuan zehazten diren eta dirulaguntza jaso duten jarduerak izan beharko dute. Dirulaguntza emateko ebazpenean zehaztuko dira dirulaguntzarik jaso ez duten jarduerak.
- b. Gizarte-etxeetako instalazioak erabili ahal izatea zein jardueretarako eskatzen den zehaztu beharko da proiektuan, eta datak eta ordutegiak adierazi. Jarduera edo ekintza zehat-

zak izan beharko dute, ez zehaztasunik gabeko kontu orokorrak. (Onargarri diren jardueren adibideak: euskararen astea, gai jakin baten inguruko hitzaldi-zikloa... Onargarri ez diren jardueren adibideak: euskara sustatzeko jarduerak, hitzaldi-zikloa, dinamizazio-jarduerak, partaidetza sustatzeko jarduerak...).

- c. Udalak ez du bermatzen espazioak eskatzen diren egun-orduetan erabilgarri egongo direnik. Horregatik, elkarteek eskaera ofiziala egin beharko dute, eta daten eta erabilgarri dauden espazioen arabera ebatziko da zentro bakoitzean, eta auzo-elkartearekin adostuko.
- d. Udalak aztertu eta ebatziko du jarduerak finkatutako irizpideei erantzuten dieten, Herritarren Partaidetzaren Zerbitzuaren proposamena dela medio.
- e. Auzo-elkarteak entitate antolatzailea izan beharko du; ez da erabilera doakoa izatea lortuko hirugarrenen izenean badihardu, espazioa edo instalazioa erabiltzeko baimena eskatzen den proiektu, ekintza edo jardueran parte hartu arren.
- f. Gizarte-etxeko programazioarekin partekatutako proiektuen kasuan, ez da beharrezko izango auzo elkarteak eskabidea egitea.
- g. Eskatutakoarekin bat ez datozen eskariei dagozkien tasak aplikatuko zaizkie.

Tasa ordaindu izanaren egiaztagiria dirulaguntzaren kontura gastua justifikatzeko baliatu ahal izango da, baldin eta planteatutako jarduerak deialdiko irizpideak betetzen baditu.

8 ESKABIDEAK AURKEZTEA, EPEA, LEKUA ETA AGIRIAK

8.1. Aurkezteko epea:

Oinarri hauei dagokien deialdiaren laburpena ALHAOn argitaratzen den egunaren biharamunetik 2024ko otsailaren 16ra bitartekoa izango da eskabideak eta agiriak aurkezteko epea. Eskabideak epe kanpo aurkeztea dirulaguntzak emateko prozeduratik baztertzeko arrazoia izango da.

8.2. Eskabideak eta agiriak aurkezteko lekua.

Herritarrei laguntzeko bulegoetan aurkeztu ahalko dira, Gasteizko Udalaren egoitza elektronikoan, eta legez aurreikusitako gainerako moduetan, Administrazio Publikoen Administrazio Prozedura Erkidearen urriaren 1eko 39/2015 Legearen ildotik.

8.3. Aurkeztu beharreko agiriak.

Udal dirulaguntzen oinarrietan jasotakoaren arabera (vitoria-gasteiz.org/ dirulaguntzak), dokumentazio hau aurkeztu beharko da eskabidea egiteko unean:

- a) Eskabidea. [Solicitud de subvención y ayuda económica del Ayuntamiento de Vitoria-Gasteiz / Gasteizko Udalari diru-laguntzak eta laguntza ekonomikoak eskatzeko orria](#)
- b) 1. eranskina. Auzokideekin komunikatzeko, informatzeko eta parte hartzeko bideak.
- c) 2. eranskina. Elkarteekiko eta gizarte-eragileekiko lankidetzak.
- d) 3. eranskina. Zinpeko aitortpena: bazkideak, zuzendaritza batzordeko kideak eta genero-ikuspegiari buruzko datuak
- e) 4. eranskina. Proiektua: proiektua egiteko gidoia.
- f) Eskabidea sinatzen duenaren ordezkaritza-ahalordea egiaztatzea eta NANaren fotokopia
- g) Banketxearen egiaztagiria, kontu-zenbakia eta titularraren izena agertzen dituen — elkarteak berak izan beharko du titular—.
- h) Herritarren Partaidetzaren Zerbitzuak lehendik ez baditu, orobat erantsi beharko dira estatutuen fotokopia, zuzendaritza-batzordearen osaera egiaztatzen duen dokumentazio eguneratua, identifikazio fiskalerako txartelaren fotokopia eta elkarteak dagokion erregistroan izena emanda dagoela egiaztatzen duen agiria.

Dirulaguntza-eskabidea ez badago behar bezala formalizatuta edo daturen bat falta badu, edo eskatutako agiriren bat aurkezten ez bada, akatsa konpontzeko eskatuko zaio pertsona edo entitate eskatzaileari, eta orobat ohartaraziko horretarako ezarritako epean hala egin ezean eskabidea artxibatu egingo dela.

9 BESTELAKO DIRULAGUNTZEKIKO BATERAGARRITASUNA

Ez dira diruz lagunduko beste udal sail eta zerbitzuen programazioan sartuta dauden jarduerak, haien osagarri izan ezean.

10 DIRULAGUNTZA EMATEKO PROZEDURA

Elkarren arteko lehia baliatuko da dirulaguntzak emateko prozedura gisa, 11. baldintzan ezarritako irizpideei jarraituz.

Eskabideak jaso, baldintzak betetzen diren aztertu eta tramiterako onartu ondoren, txosten tekniko eta ebazpen-proposamena egingo dira, berariazko oinarri hauetan ezarritako irizpideak kontuan hartuz.

Horretarako, kide anitzeko organo bat eratuko da, eskabideak baloratzeko eta laguntzak emateko proposamenak egiteko eskumena izango duena. Herritarren Partaidetzaren Zerbitzuko teknikariek osatuko dute organo hori.

Zerbitzuko administrazio orokorreko teknikaria izango da organo instrukzio-egilea. Hark ofizioz egingo ditu dirulaguntza emateko ebazpen-proposamena taxutzeko baliatuko diren datuak zehaztu, ezagutu eta egiaztatzeko beharrezkotzat jotzen dituen jarduerak oro.

Tokiko Gobernu Batzarrak izango du dirulaguntzak emateko eskumena.

11 DIRULAGUNTZAREN ZENBATEKOA ZEHAZTEKO IRIZPIDEAK

Dirulaguntzaren banakako zenbatekoa zehazteko artikulu honetan ezarritako banaketa sistema baliatuko da; edonola ere, zenbateko horrek ez du gaindituko elkarte edo federazio bakoitzak benetan izandako gastuaren ehuneko 100.

11.1. Baremazioa.

Gehieneko puntuazioa 100 puntukoa izango da. Honela banatuko da gehieneko puntuazio hori:

Entitateari dagokionez. Atal honetan, gehienez, 45 puntu:

- a. Bazkide-kopurua, behar bezala egiaztatuta:
 - 1-50 bazkide: puntu 1.
 - 51-200 bazkide: 3 puntu.
 - 200 bazkide baino gehiago: 5 puntu.

- b. Auzo-elkarteen federazioen kasuan:
 - Udalerriko 2 eta 15 elkarte federatu bitarte: puntu 1.
 - Udalerriko 15 elkarte federatutik gora: 5 puntu.

Elkarteko nahiz federazioko idazkariak sinatu eta lehendakariak ontzat emandako zinpeko aitortpenaren bitartez egiaztatu beharko da bazkide-kopurua. Elkarteko kideen zerrenda — izen-deiturak eta nortasun-agiriak— eskatu ahal izango die Udalak elkarteei. Hala egiten badu, horretarako sortutako dirulaguntzen fitxategian sartuko ditu Udalak jasotzen dituen datuak, Datu Pertsonalak Babesteari buruzko Lege Organikoa betetze aldera, eta betebeharra betezen dela egiaztatzeke eta ez bestetarako baliatuko du.

- c. Auzoko bizilagunei arreta ematea. Komunikazio eta informaziorako bideak. Jendaurreko ordutegia, postontzia, kartelak, argitalpenak, harremanetarako telefonoa, posta elektronikoa, webgunea eta abar. Gehienez 20 puntu. Udal lokalik ez duten auzo-elkarteei 3 puntu jasoko dituzte, aurrez aurreko arreta eskaini ezin dutelako.
- Aurrez aurreko kanalak, bulegoko arreta.
 - Online kanalak (posta elektronikoa, web-orria, sare sozialak, etab.)
- d. Partaidetza-organoetan auzogune eta elkarguneetan parte hartzea, eta udalak gauzatatutako programa, plan eta prozesu parte-hartzaileetan laguntzea. Lankidetzak hori zer programa, plan edo prozesu parte-hartzaileetan gauzatzen den zehaztu beharko da, baita elkarguneen eta auzoguneen zer bileratan parte hartu duen ere, eta horiek zer egunetan egin diren, egiaztatzea errazteko. Gehienez 10 puntu.
- e. Auzoko beste elkarte eta/edo gizarte-eragile eta entitate batzuekin lankidetzan aritzea, programa edo jarduerak antolatzeke.

Zehaztu egin beharko da zer programa edo jardueratan gauzatzen den lankidetzak hori, eta zer nolakoa den, baita lankide izandako elkarte edo kolektiboaren kontaktua ere, egiaztatzea errazteko. Gehienez 10 puntu.

Garatu nahi den proiektuari edo jarduerari dagokienez (4. eranskina). Atal honetan, gehienez, 45 puntu.

- a. Oinarriak. Diagnostikoa. Auzoko errealitatea ezagutzea: auzoaren deskribapena, beharrak, biztanleak, alderdi sendoak. Lortu nahi diren helburuak finkatzeko izan diren arrazoiak argudiatzea. Gehienez 5 puntu.
- b. Proiektuan planteatutako helburu orokorrak, aurreko puntuan azaldutako auzoko errealitatearekin zerikusia dutenak. Gehienez 10 puntu.
- c. Jarduera programa: hartzailleen kopurua eta aniztasuna; banaketa ekitatiboa urtean zehar; lantzen dituzten zehar-lerroak, eta helburuen eta jardueren arteko koherentzia. Gehienez 15 puntu.
- d. Ebaluazioa. Erabilitako ebaluazio-sistemak. Proiektuan bertan erabilitako irizpideak eta adierazleak: inkesta eta iritzi-galdeketa auzokoei, eta auzoan gertatutako aldaketak islatzen dituzten agiriak. Espero diren emaitzak adieraztea. Gehienez 5 puntu.
- e. Auzokideen partaidetza sustatzeko jarduera zehatzak: auzo-biltzarrak, kanpainak, kontsultak, jardunaldiak... Gehienez ere 10 puntu.

Genero ikuspegiari dagokionez. Emakumeen eta Gizonen berdintasunerako eta Indarkeria Matxistari Gabea Bizitzetarako Legearen Testu Bategina onartzen duen 1/2023 Legegintzako Dekretua, 2003koa, betez. Berdintasunerako Euskal Legeaz gain, Gasteizko Udalaren dirulaguntzen ordenantzak eta V. Berdintasun Planak gure udalak onartu ditu. Atal honetan, gehienez, 10 puntu.

- a. Elkaratearen zuzendaritza batzordea edo -organoa eta/edo erakundea osatzen duten pertsonak % 50 baino gehiago izatea. 2 puntu, gehienez.
- b. Genero-berdintasunerako plana eta/edo sexu jazarpenaren, jazarpen sexistaren edo sexuan oinarritutako jazarpenaren aurrean jarduteko protokoloa diseinatzea eta aplikatzea. 2 puntu, gehienez.
- c. Erakundearen estatutuen helburuetako bat genero-berdintasuna sustatzea izatea. Puntu 1.
- d. Genero desberdintasunei heltzen dieten ekintza eta jarduera espezifikoak ezarri izana. 2 puntu, gehienez.
- e. Aurreko urteko memorian proiektuaren edo jardueren genero eraginari buruzko ebaluazioa egin du. 2 puntu, gehienez.
- f. Jarduerak garatzeko kontratatutako pertsona laguntzaileak, elkartekideak eta/edo enpresak izatea, gutxienez 150 orduko prestakuntza egiaztatuta dutenak genero berdintasunaren arloan. Puntu 1 gehienez.

11.2. Gutxieneko eta gehieneko zenbatekoa.

Kalkulua egiteko, 30 puntutik gorako puntuazioa lortzen duten proiektu globalak dituzten elkartearen eskabideak bakarrik hartuko dira aintzat.

Gutxienez 1.500,00 euroko dirulaguntza finkatu da 30 puntuak gainditzen dituzten elkarteentzat, eta gehienez 15.000,00 eurokoa, lortutako puntuazioaren arabera.

11.3. Dirulaguntzaren zenbatekoa kalkulatzeko formula.

Gutxieneko puntuazioa gainditzen duten auzo-elkarte eta federazio guztiei, hasteko, 1.500,00 euroko zenbatekoa esleituko zaie. Dirulaguntzaren aurrekontu osoari kopuru hori kenduko zaio.

Dirulaguntzaren aurrekontuaren gainerako zenbatekoa auzo-elkarte eta federazio guztiek lortutako puntuen artean zatituko da —laguntza eskuratzeko elkarte edo federazioek ezinbestean lortu beharreko 30 puntuak kenduta—, eta hori puntu bati dagokion balioa izango da.

Ondoren, balio hori entitate bakoitzak lortutako puntuengatik biderkatuko da —ezinbesteko 30 puntuak kenduta—, eta horren arabera lortuko da entitate bakoitzak jasoko duen zenbatekoa. Lortutako zenbatekoa eskatutakoa baino handiagoa bada, kendu egingo da soberako zenbatekoa, eta funts bat sortuko, berriro banatzeko. Funts hori behar den guztietan banatuko da berriro, aipatutako irizpide berari jarraituz, eta banaketatik bazter utzita eskatutako zenbatekoa dagoeneko lortu duten auzo-elkarteak edo federazioak.

12 DIRULAGUNTZA ORDAINTZEA

Dirulaguntzak aldi bakarrean ordainduko dira, aldez aurreko ordainketa gisa, lortutako puntuazioak eta erabilgarri dagoen aurrekontua kontuan hartuta, deialdia ebatzi eta oinarrietan adierazten den moduan jakinarazi ondoren, inongo bermerik jarri beharrik gabe.

Edonola ere, udal lokal bat erabiltzeko baimen bakarra emango zaio elkarte bakoitzari, eta zenbateko bakarra, programan aurkeztutako jarduerak garatzeko.

Ez da dirulaguntza ordainduko baldin eta pertsona edo entitate onuradunak:

- a. Udalak lehendik emandako beste dirulaguntzaren bat justifikatu gabe badu.
- b. Aurreko dirulaguntzaren bat itzuli ez badu, hala eskatu zaionean.
- c. Zerga-betebeharrak beteta eta Gizarte Segurantzari ordaindu beharrekoak ordainduta ez baditu, eta dirua itzultzea bidezkoa dela ebatzi delarik zordun.

13 DIRULAGUNTZA JUSTIFIKATZEA

13.1. Epea.

Egindako gastua justifikatzeko kontua 2025eko urtarrilaren 31 baino lehen aurkeztu beharko dute entitate onuradunek.

13.2. Zenbatekoa.

Diruz lagundutako jardueraren aurrekontuaren ehuneko 100 justifikatu beharko da, ez Udalak emandako diru-kopurua bakarrik.

13.3. Sistema.

Udal-dirulaguntzen oinarrietan xedatzen denaren arabera.

Egindako proiektuaren oroitidazkia eta oroitidazki ekonomikoa bildu beharko ditu justifikatzeko dokumentazioak. Legez eskatzen diren datu guztiak jasotzen dituzten fakturak baino ez dira onartuko (faktura-zenbakia, jaulkipen-data, izen-abizenak, izen sozial osoa, zerga-administrazioak emandako identifikazio fiskalerako zenbakia, eragiketen deskribapena, BEZ edo bestelako zergatasak). Emandako dirulaguntza justifikatzen ez bada, edo nahikoa justifikatzen ez bada, itzuli egin beharko da ordaindu den arren justifikatu ez den zenbatekoa.

Justifikazio-kontu arruntaren dirulaguntza proiektu/lerroaren atalean, egindako jardueren memoria jasotzen duen eranskina aipatu ahal izango da. Deskribapen-dokumentu horrek ezin izango du 40 folio baino gehiago izan alde batetik, arial 12 letra-tipoarekin edo antzekoarekin. [Cuenta justificativa ordinaria / Justifikazio-kontu arrunta \(vitoria-gasteiz.org\)](http://vitoria-gasteiz.org)

Gainera, euskararen erabilaren jardueren jarraipen-fitxa beteko da.

[Ficha de seguimiento de utilización del euskera / Euskararen erabileraren jarraipena egiteko fitxa \(vitoria-gasteiz.org\)](http://vitoria-gasteiz.org)

UDAL LOKALAK / LOCALES MUNICIPALES

- Heraclio Fournier 30 /Heraclio Fournier 30
- Arana Gizarte Etxea- Aragoi 7 / Centro Cívico Arana - Aragón 7
- Aiztogile 61 / Cuchillería 61
- Jacinto Benavente 17 behea / Jacinto Benavente 17 bajo
- Simone de Beauvoir elkartearen etxea- San Ignacio Loiola 8 - 3. pisua / Casa Asociaciones Simone de Beauvoir - San Ignacio de Loyola 8 - 3º
- F. Xabier Landaburu z/g / Francisco Javier Landaburu s/n
- Ariznabarra 27 / Ariznabarra 27
- Lima 2 behea / Lima 2 bajo
- Cola y Goiti 5-7 behea / Cola y Goiti 5-7 bajo
- Oto Hiribidea 22 / Avenida de los Huetos 22
- Estrasburgo Ibilbidea 17 behea / Paseo de Estrasburgo 17 bajo

- Vera Fajardo margolaria 9 / Pintor Vera Fajardo 9
- Gazalbide Merkataritza Zentroa 41-49 - Jeanne Jugan plaza / Centro Comercial Gazalbide 41-49 - Plaza Juana Jugan
- Uribeguela 6 / Uribeguela 6
- Zabalzana Hiribidea 46, beheka / Avenida Zabalzana 46 bajo
- Amaia zentro soziokulturala - Benito Pérez Galdós plaza z/g / Centro Sociocultural Amaia - Plaza Benito Pérez Galdós s/n
- Hondarribi 34-35 / Hondarribi 34-35

Gasteizen, 2023ko XXXXXXXXXXXXXXXXXXXXXXXXXXXX

Gobernu Irekia eta Gizarte Etxeen saileko Administrazio Zerbitzuko burua XXXXXXX